

გუნდის ლოტბარი/რეგენტი - 080554
პროფესიული სტანდარტი

I. სფეროს აღწერა

გუნდის ლოტბარი/რეგენტი საშემსრულებლო მუსიკალური ხელოვნების ერთ-ერთი უმნიშვნელოვანესი პროფესიაა. გუნდის ლოტბარს/რეგენტს გააჩნია მუსიკალურ-შემოქმედებითი კოლექტივის (ხალხური, აკადემიური და მართმადიდებლური ეკლესიის მგალობელთა გუნდის) ორგანიზების და ხელმძღვანელობის კომპეტენცია. გუნდის ლოტბარი/რეგენტი უზრუნველყოფს საგუნდო კოლექტივის მუდმივ შემოქმედებით განვითარებას, მუშაობს საგუნდო რეპერტუარის (კლასიკური, თანამედროვე, ხალხური, უძველესი ქართული პროფესიული მუსიკალური ნაწარმოებები) ჩამოყალიბებასა და გაფართოებაზე, წარმართავს საგუნდო მომღერლებს მუსიკალური ნაწარმოების შესწავლის პერიოდში და მომზადებული პროგრამის საჯარო საკონცერტო შესრულების დროს. გუნდის რეგენტი/ლოტბარი საანსამბლო მუსიცირების დროს უზრუნველყოფს საგუნდო კოლექტივის ხმაშეწყობილ სიმღერას, მუსიკალური ნაწარმოებების მხატვრულად და ტექნიკურად სრულყოფილ შესრულებას. ლოტბარს/რეგენტს გააჩნია აგრეთვე გუნდის მომღერლისათვის საჭირო პროფესიული კომპეტენციები და უნარები.

II. დასაქმების სფერო

გუნდის ლოტბარის/რეგენტის პროფესიული კვალიფიკაციის მფლობელს შეუძლია დასაქმდეს სამუსიკო ან ფართო პროფილიანი ხელოვნების ცენტრებში; ეკლესია-მონასტრებში, შემოქმედებითი კოლექტივებში; სტუდიებში; კულტურულ-საგანმანათლებლო დაწესებულებებში; სკოლამდელი აღზრდის დაწესებულებებში.

III. დამატებითი მოთხოვნები;

- მეხუთე საფეხურის პროგრამაზე დაშვების წინაპირობაა სრული ზოგადი განათლება
- შემოქმედებითი ტურის გავლა.

IV. საგანმანათლებლო პროგრამა და კვალიფიკაცია

გუნდის ლოტბარის/რეგენტის საგანმანათლებლო პროგრამა არის ერთსაფეხურიანი (მეხუთე საფეხური). პროგრამის დასრულების შემდეგ კურსდამთავრებულს ენიჭება გუნდის ლოტბარის/ რეგენტის მეხუთე საფეხურის პროფესიული კვალიფიკაცია და გაიცემა შესაბამისი დიპლომი...

გუნდის ლოტბარის, რეგენტის მეხუთე საფეხურის პროფესიული საგანმანათლებლო პროგრამა მოიცავს 120 კრედიტს. აქედან მინიმუმ 40% ეთმობა პრაქტიკას.

V. გუნდის ლობარის/ რეგენტის მეხუთე საფეხურის კვალიფიკაციის აღმწერი

<p>ცოდნა და გაცნობიერება</p>	<p>აქვს პროფესიულ საქმიანობასთან დაკავშირებული მრავალმხრივი და/ან სპეციალიზებული თეორიული და პრაქტიკული ცოდნა, აცნობიერებს პროფესიული საქმიანობის შესაძლებლობებს (საზღვრებს).</p>	<p>გუნდის დირიჟორობის ჩვევების ფლობა იმ ფარგლებში, რომელიც აუცილებელია პროფესიული ამოცანების რეალიზაციისათვის: საგუნდო კოლექტივის ორგანიზების და ხელმძღვანელობის პრინციპების ცოდნა; სხვადასხვა სტილისა და მიმართულების საგუნდო ნაწარმოების შესრულების სპეციფიკის ცოდნა; ხმის აპარატის ფლობა; კოლექტიური მუსიციერების ჩვევები; სამგალობლო ხელოვნების პრაქტიკული ცოდნა; სადირიჟორო ხელოვნების ისტორიის და თეორიის ცოდნა; პროფესიული მოღვაწეობის სფეროს შესაბამისი სპეციალური ლიტერატურის ცოდნა; მუსიკალური ხელოვნების თეორიული საფუძვლების, მუსიკალური ენის სტრუქტურისა და ფორმაქმნადობის პრინციპების ცოდნა; მუსიკალური კულტურის განვითარების ისტორიის, ეროვნული ტრადიციების თავისებურებების, ქართველი და უცხოელი კომპოზიტორების შემოქმედებითი ბიოგრაფიების ცოდნა.</p>
<p>ცოდნის პრაქტიკაში გამოყენების უნარი</p>	<p>შეუძლია შემეცნებითი და პრაქტიკული უნარების ფართო სპექტრის გამოყენება აბსტრაქტული პრობლემების შემოქმედებითად გადასაწყვეტად.</p>	<p>ფლობს საშემსრულებლო საგუნდო-სადირიჟორო ხელოვნებას და ანსამბლური მუსიციერების პრაქტიკულ ფორმებს; აქვს საგუნდო კოლექტივის ხელმძღვანელობის პრაქტიკული ჩვევები; აქვს შემოქმედებითი პროცესის მეთოდური უზრუნველყოფის უნარი; საშემსრულებლო პრაქტიკაში იყენებს პროფესიულ ტერმინოლოგიას.</p>
<p>დასკვნის გაკეთების უნარი</p>	<p>შეუძლია კარგად განსაზღვრული პრობლემების ამოცნობა, მათი გადაჭრისათვის სათანადო მონაცემების იდენტიფიცირება და ანალიზი სტანდარტული მეთოდების გამოყენებით, ასევე დასაბუთებული დასკვნების გაკეთება.</p>	<p>აქვს პროფესიული საქმიანობის დაგეგმვის და წარმართვის უნარი; აქვს კრიტიკული აზროვნების უნარი; შეუძლია საკუთარი და სხვისი შესრულების შეფასება; აქვს საშემსრულებლო პრობლემების ანალიზის და მათი გადაწყვეტის უნარი.</p>
<p>კომუნიკაციის უნარი</p>	<p>შეუძლია იდეებისა და ინფორმაციის სტრუქტურირებულად და თანმიმდევრულად გადაცემა სპეციალისტებისა და არასპეციალისტებისათვის ხარისხობრივი და რაოდენობრივი ინფორმაციის გამოყენებით. იყენებს თანამედროვე საინფორმაციო და საკომუნიკაციო ტექნოლოგიებს. შეუძლია უცხოურ ენაზე პროფესიასთან დაკავშირებული ინფორმაციის გადაცემა და ანგარიშის წარდგენა</p>	<p>აქვს მუსიკალურ-შემოქმედებით კოლექტივებში მუშაობის უნარი; შეუძლია პროფესიულ საქმიანობასთან დაკავშირებული (რეპერტუარი, ლიტერატურა) ინფორმაციის მოძიება სხვადასხვა წყაროებიდან, თანამედროვე საინფორმაციო და საკომუნიკაციო ტექნოლოგიების გამოყენებით; შეუძლია შემოქმედებითი კოლექტივის მუშაობის დაგეგმვა და ხელმძღვანელობა; ფლობს ქართული სალიტერატურო ენის ნორმებს, წერითი და ზეპირი მეტყველების სპეციფიკას, აქვს უნარი ააგოს საკუთარი მეტყველება კომუნიკაციური და ეთიკური ნორმების შესაბამისად; ფლობს უცხო ენას პროფესიული ამოცანების</p>

		რეალიზაციისათვის.
სწავლის უნარი	შეუძლია საკუთარი სწავლის მიმართულებების განსაზღვრა ცვალებად და გაუთვალისწინებელ ვითარებაში.	ფლობს პროფესიული სფეროს შესაბამისი ცოდნის დაუფლების უნარს; აქვს თვითგანათლების, კვალიფიკაციის ამაღლების უნარი; აქვს საკუთარი სწავლის სხვადასხვა მიმართულებებით ორგანიზაციის უნარი; შეუძლია პროფესიული წინსვლის მიზნით სადირიჟორო ხელოვნების სფეროში სწავლის სამომავლო მიმართულებების განსაზღვრა და დაგეგმვა.
ღირებულებები	აფასებს თავისი და სხვების დამოკიდებულებას პროფესიული საქმიანობისათვის დამახასიათებელ ღირებულებებთან და უზიარებს სხვებს.	აქვს შემოქმედებითი და მხატვრული ღირებულებანი და ზრუნავს მათ განვითარებაზე. ნებისმიერ სიტუაციაში იცავს პროფესიული ეთიკის ნორმებს; გაცნობიერებული აქვს ანსამბლური მუსიციერების სპეციფიური ღირებულებები, რაც ვლინდება პარტნიორების ურთიერთდახმარებასა და ურთიერთგაებაში.